

p. 7 L. -7【七十】《圓通章疏鈔》卷 2：攝則雙通能所。歸義亦然。能攝：勢至。所攝：行人。能歸：行人。所歸：淨土。具聞思修三妙慧故。備信願行三資糧故。始名念佛人也。問：設行五逆十惡。亦具三資糧慧。得生彼土否耶？答：雖有諸過。於彼佛土有信行願。亦名為器。如三輩九品中下輩下品是也。問：念幾時佛。得能見佛生方？答：隨機不定。或盡形持。或九十日。或七七、一七。或十日、一日。或十念。或一念。但能稱名。必得見佛。況有彌陀本願。勢至攝受。豈有念佛不生方耶。(X16, p. 388, b5-20)

p. 7 L. -5【慈雲】慈雲懺主：北宋天台宗僧遵式。台州（浙江省）寧海人。俗姓葉。又稱天竺懺主、慈雲懺主、慈雲尊者、靈應尊者。《阿彌陀經疏鈔》卷 2：「慈雲懺主。開此土彼土難易十種。今以苦樂對之。一者此土有不常值佛苦。彼土無之。而但有華開見佛。常得親近之樂。二者此土有不聞說法苦。彼土無之。而但有水鳥樹林皆宣妙法之樂。三者無惡友牽纏苦。而有諸上善人俱會一處之樂。四者無羣魔惱亂苦。而有諸佛護念。遠離魔事之樂。五者無輪迴不息苦。而有橫截生死。永脫輪迴之樂。六者無難免三塗苦。而有惡道永離。名且不聞之樂。七者無塵緣障道苦。而有受用自然。不俟經營之樂。八者無壽命短促苦。而有壽與佛同。更無限量之樂。九者無修行退失苦。而有入正定聚。永無退轉之樂。十者無塵劫難成苦。而有一生行滿。所作得辦之樂。等者。如安國鈔。開為二十四樂。羣疑論。廣為三十益。皆舉樂明苦。舉益明損。大意同前。茲不繁載。」(X22, p. 637, a1-15)

p. 7 L. -1【生極樂四意】出自清涼《華嚴經行願品疏》卷 10：「不生華藏而生極樂。略有四意：一有緣故。二欲使眾生歸憑情一故。三不離華藏故。四即本師故。」(X05, p. 198, a16-18)宗密《華嚴經行願品疏鈔》卷 6(X05, p. 322, b19-c12)《楞嚴經勢至圓通章疏鈔》卷 2：「問：既萬法唯心。何以見彼此土有苦樂、生佛有來去耶？答：土有苦樂。即心相垢淨。生有來去。即心性迷悟。如是垢淨、迷悟。總不離乎法界。故云心外無法。楞伽亦云。若一切皆心。世間何處住？何因見大地。眾生有去來(問難也)？如鳥(喻眾生)遊虛空(喻自心)。隨分別而去(喻分別識。謂從自心空中。而後現眾生鳥。彼眾生鳥。還於自心空中。隨分別識去來遊履也)。無依亦無住。如履地而行(謂自心空。雖無依止住處。而能令眾生鳥如履平地似有依住也)。眾生亦如是。隨於妄分別。遊履於自心。如鳥在虛空。(答釋也。前四句喻。後四句合)」(X16, p. 388, c17-p. 389, a1)

p. 8 L. 7【七三、三慧】《阿彌陀經疏鈔》卷 3：「一者聞說佛名。是為聞慧。

二者執受在懷。是為思慧。三者持守不忘。是為修慧。【鈔】聞慧者。阿彌陀佛雖有無量功德。而此功德。非聞不知。非說不聞。故華嚴云。得無生慧。先賴多聞。又云。佛法無人說。雖慧不能了。或聞經論之所宣揚。或聞知識之所開示。一歷耳根。永為道種。是之謂聞。而言慧者。聞即是慧。對木石說。頑不聞故。對愚人說。聞不餐采。如不聞故。故曰聞慧。思慧者。既入乎耳。須存乎心。諦審諦觀。是何法門？是何義理？是之謂思。而言慧者。思即是慧。禽畜雖聞。不解思故。愚人雖聞。入耳出口。不憶想故。故曰思慧。修慧者。既深思之。宜力行之。是之謂修。而言慧者。修即是慧。狂人雖思。蔽精役神。不實踐故。問：此指三慧。有何證據？答：佛地論云。菩薩履三妙慧。淨土往還。釋云。以聞思修。得入淨土。故知念佛必有三慧。」(X22, p. 660, a2-17)聞而有慧→能信、發願。思而有慧→能願、篤行。修而有慧→行而有證。

p. 8 L. 11【七五】出處為《觀無量壽佛經疏妙宗鈔》卷 3：「若如此土博地凡夫。屬邪定聚。發心修行。未不退者。屬不定聚。得不退者。屬正定聚。若生安養。不論高下。五逆罪人臨終十念得往生者。亦得不退。故云皆正定聚。」(T37, p. 210, c22-26)阿彌陀佛「住正定聚願」(會集本 29 願)：「**所有眾生，生我國者**，皆同一心，住於定聚。」〈決證極果第二十二〉：「若有善男子、善女人，若已生，若當生，皆悉住於正定之聚。決定證於阿耨多羅三藐三菩提。」

p. 8 L. -8【七七】《圓通章疏鈔》卷 2：「問：大本三輩純明善行，不及惡人，止齊觀經前之六品。云何今以下輩配下品耶？答：有三意：一、約行因善惡雖異，而位次輩品正同(三三成九故)。今取位不取行也。二、下輩與下品，十念行同故。三、五逆十惡而不謗者，亦攝下輩善人中故。大本云。地獄鬼畜生，亦生我剎中。墮地獄者，非五逆人而何？若下輩不攝，置於何輩耶？」(X16, p. 389, c14-20)

p. 8 L. -6【大本云】《會集本》〈三輩往生第二十四〉：「聞甚深法，即生信解。乃至獲得一念淨心，發一念心念於彼佛。此人臨命終時，如在夢中，見阿彌陀佛，定生彼國，得不退轉無上菩提。」《圓通章疏鈔》卷 2：「問：云何一念彼佛。亦得生彼國土。一聲彌陀。能滅八十億劫生死罪耶？答：一心朗念。積妄頓空。喻如一燈能滅千年室暗。一火能燒百輛車薪。況乘如來本願功德。豈可思議耶！故法華云。一稱南無佛。皆已成佛道。佛名經云。

一聞佛名。滅無量劫生死之罪。大悲經云。一稱佛名。以是善根。入涅槃界不可窮盡。」(X16, p. 390, a8-14)

懷感《釋淨土群疑論》卷 6：「問曰：一念十念阿彌陀佛得生西方。為是唯用此念佛而得往生？為更藉餘法門方得生耶？若唯取此念者。未解此念？經雖說言即是具足無上功德。如何一念即成無上功德也？

釋曰。功德無量。豈要須藉長時多修方成無量也。自有長時多修而是少福。自有少時少修而是多福。其義如何？如金剛般若言。初日分中日分後日分。各各以恒河沙等身命布施。如是無量百千萬億劫以身布施。若復有人聞此經典。信心不逆。其福勝彼等。無量百千萬億劫。時長也。捨恒河沙等身。修多也。一一皆害其命。苦多也。雖復具有三多。而其福少。若復有人。身少也。聞此經典。時少也。信心不逆。行少也。而得功德過逾前福。此是上聖校量。非是下凡測度。豈不信也！今此一念念佛即是具無上功德。亦是大師真語。何得懷疑也。又以一念念佛即過百千萬億劫修道故。成功德多也。如法華經說。若復有人。受持六十二億恒河沙菩薩名字。復盡形供養飲食衣服臥具醫藥。於意云何？是善男子善女人功德多不？無盡意言。甚多。世尊。佛言。若有人受持觀世音菩薩名號。乃至一時禮拜供養。是二人福正等無異。若受持六十二億恒河沙菩薩名號。復供養四事。計用時即已經百千萬億劫。始爾暫時稱觀世音菩薩名號。供養一種。此多時功德同於少時之福。十輪經說。若人於百大劫。至心念觀世音菩薩等。不如一食頃念地藏菩薩。若百大劫念觀世音菩薩。況前校量。即當過百千萬億不可說恒河沙菩薩名號供養也。若多劫中念地藏菩薩。不如一聲至心念阿彌陀佛。功德無量無邊也。如是將佛比地藏菩薩。將地藏菩薩比觀世音菩薩。將觀世音菩薩比餘菩薩六十二億恒河沙等校量。即當念佛一聲功德。勝無量阿僧祇恒河沙數菩薩名號、供養四事。此即一念念佛即過念餘菩薩。一阿僧祇、二阿僧祇劫修道。如何念佛而功德少耶。可須以此校量知多功德也。」(T47, p. 69, a26-c6)

p. 8 L. -5【善導、少康】【善導】《龍舒增廣淨土文》卷 5：「或問導云：念佛之善，生淨土否？答云：如汝所念。遂汝所願。於是導自念阿彌陀佛。一聲則有一道光明。從其口出。十聲以至百聲。光明亦如此。」(T47, p. 266, c24-27)

【少康】（？～805）唐代淨土宗僧。為淨土宗第五祖。縉雲（浙江）仙都山人，俗姓周。七歲出家，十五歲受戒於越州嘉祥寺，廣誦經論。後於洛陽白馬寺讀善導西方化導文，遂決心專修念佛。將乞食所得之錢，令孩童念阿彌陀佛一聲，即與一錢，一年後凡男女見康，即皆稱念阿彌陀佛。後至睦州烏

龍山開淨土道場集眾念佛，每念佛一聲，口隨出一佛，念十聲出十佛，時稱之為後善導，貞元二十一年示寂。～《佛光大辭典》

p. 8 L. -5【華嚴偈】《大方廣佛華嚴經》卷 23〈24 兜率宮中偈讚品〉：「如來大智光，普淨諸世間，世間既淨已，開示諸佛法。設有人欲見，眾生數等佛，靡不應其心，而實無來處。以佛為境界，專念而不息，此人得見佛，其數與心等。」(T10, p. 123, b18-24)

p. 8 L. -3【八十】《圓通章疏鈔》卷 2：「無選擇者：一、揀非那律選眼、空生擇意。二外不選六根相(浮、勝二根相也)。內不擇六根性(見聞覺知性也)。根都攝者。對上亦二義：一、眼不取色。乃至意不緣法。二、唯依一精明心。不行六根用故。餘念不生曰淨。念而無念故。一心繫佛曰念。無念而念故。相繼。謂事則憶念無間。理則圓照無間。得句。後果證。…事則成念佛三昧。理則顯本性如來。」(X16, p. 390, b6-16)

p. 8 L. -3【斯為第一】《圓通章疏鈔》卷 2：「就楞嚴本經。有三意：一、文殊謂念性生滅。因果殊感。故第二。勢至謂一心淨念。現見自佛。故第一。二、阿難循聲。故返聞為當根。念佛為不當根。佛以聖性皆通。歸元無二。故稱觀音勢至並無優劣。三、此方教體在於音聞。故以耳根圓通當此方機。勢至居次。十方法門念佛為最。故以念佛圓通當十方機。等於觀音。」(X16, p. 390, b18-24)《圓通章疏鈔》卷 2：「若以念佛一門。攝生世出世法言之。為五欲故發心念佛。地獄界也(1)。為名利故發心念佛。餓鬼界也(2)…當念佛時。寂寞無為。法身佛也(98)。當念佛時。無德不具。報身佛也(99)。當念佛時。凡聖並欣。化身佛也(100)。故知念佛一法攝盡一切法矣。」(X16, p. 391, a2-c13)一百門：十法界(10)。七大(7)。六根(6)。六塵(6)。六識(6)。

四諦(4)。十二因緣(12)。六度(6)。二轉依(菩提、涅槃)(2)。三如來藏(3)。

三照五時(5)。五教(5)。四法界(4)。華嚴六相(6)。十玄門(10)。

本覺(1)。始覺四位(4)。三身佛(3)。

【三照五時】：比喻佛陀教化眾生之順序次第。據 60 華嚴經卷 34，〈寶王如來性起品〉，日出先照一切諸大山王，次照一切大山，後照金剛寶山，而後一切大地。菩薩摩訶薩、緣覺、聲聞、正定聚眾生、不定、邪定聚。天台分為：高山(華嚴)、幽谷(阿含)、平地(分三：方等食時 8 點、般若禺中時 10 點、法華涅槃午時)。～《佛光大辭典》